

馬鳴菩薩傳

龍樹菩薩傳

卷

四

姚秦三藏法師鳩摩羅什譯

大師名龍樹菩薩者出南天竺梵志種也天
聰奇悟事不再告在乳哺之中聞諸梵志誦
四韋陀典各四萬偈偈有四十二字背誦其

文而領其義弱冠馳名獨步諸國世學藝能
天文地理圖緯秘識及諸道術無不悉練契
友三人亦是一時之傑相與議曰天下義理
可以開神明悟幽旨者吾等盡之矣復欲何
以自娛騁情極欲最是一生之樂然諸梵志
道士勢非王公何由得之唯有隱身之術斯
樂可辦四人相視莫逆於心俱至術家求隱
身法術師念曰此四梵志擅名一世草芥群
生今以術故屈辱就我我若呪法授之此人
才明絕世所不知者唯此賤法若得之便去

不復可屈且與其藥使日用而不知藥盡必
來求可以術屈爲我弟子各與青藥一丸告
之曰汝於靜處用水磨之以塗眼瞼則無有
人能見汝形者龍樹菩薩磨藥聞氣便盡知
藥名分數多少鎚銖無失隨其氣勢龍樹識
之還語術師此藥有七十種分數多少盡如
其方藥師問曰汝何由知答曰藥自有氣何
以不知師即歎伏顙斯人者聞之猶難而況
相學我之賤術何足惜耶即具授其四人得
術隱身自在入王宮中宮中美人皆被侵陵

百餘日後宮中人有懷妊者以事白王王大
不悅此何不祥爲怪乃爾召諸智臣以謀此
事有舊老者言凡如此事應有二種或鬼或
術可以細土置諸門中令有司守之斷諸術
者若是術人足跡自現可以兵除若其是鬼
則無跡也鬼可呪除人可刀殺備法試之見
四人跡即閉諸門令數百力士揮刀空斫斫
殺三人唯有龍樹斂身屏氣依王頭側王頭
側七尺刀所不至是時始悟欲爲苦本厭欲
心生發出家願若我得脫當詣沙門求出家

法既而得出入山詣佛塔出家受戒九十日
中誦三藏盡通諸深義更求諸經都無得處
雪山中深遠處有佛塔塔中有一老比丘以
摩訶衍經與之誦受愛樂雖知實義未得通
利周遊諸國更求餘經於閭浮提中遍求不
得外道論師沙門義宗咸皆摧伏即起憍慢
心自念言世界法中津塗甚多佛經雖妙以
理推之故未盡未盡之中可推而說之以悟
後學於理不違於事無失斯有何咎思此事
已即欲行之立師教誡更造衣服今附佛法

所別爲異方欲以無所推屈表一切智相擇
日選時當與諸弟子受新戒著新衣便欲行
之獨在靜室水精地房大龍菩薩見其如此
惜而愍之即接入海於宮殿中開七寶藏發
七寶函以諸方等深奧經典無上妙法授之
龍樹龍樹受讀九十日中通練甚多其心深
入體得實利龍知其心而問之曰看經遍未
答言汝諸函中經甚多無量不可盡也我所
讀者已十倍閭浮提龍言如我宮中所有經
典諸處比比復不可知龍樹即得諸經一箱

漆七

六

深入無生三忍具足龍還送出時南天竺王甚邪見承事外道毀謗正法龍樹菩薩爲化彼故躬持赤幡在王前行經歷七年王始怪問此是何人在吾前行答曰我是一切智人王聞是已甚大驚愕而問之言一切智人曠代不有汝自言是何以驗之答言欲知智在說王當見問王即自念我爲智主大論議師問之能屈猶不足名一旦不如此非小事若其不問便是一屈遲疑良久不得已而問之天今何爲耶龍樹言天今與阿脩羅戰王聞

此言譬如人噎既不得吐又不得咽欲非其言復無以證之欲是其事無事可明未言之間龍樹復言此非虛論求勝之談王小待之須更有驗言訖空中便有干戈兵器相係而落王言干戈矛戟雖是戰器汝何必知是天與阿脩羅戰漆七龍樹言搆之虛言不如校以實事言已阿脩羅手足指及其耳鼻從空而下又令王及臣民婆羅門衆見空中清除兩陣相對王乃稽首伏其法化殿上有萬婆羅門皆棄束髮受成就戒是時龍樹於南天竺大

弘佛教摧伏外道廣明摩訶衍作優波提舍
十萬偈又作莊嚴佛道論五千偈大慈方便
論五十偈令摩訶衍教大行於天竺又造無
畏論十萬偈於無畏中出中論也時有婆羅
門善知呪術欲以所能與龍樹諍勝告天竺
國王我能伏此比丘王當驗之王言汝大愚
人此菩薩者明與日月爭光智與聖心並照
汝何不遜敢不推敬婆羅門言王爲智人何
不以理驗之而抑斷一切王見言至爲請龍
樹清旦共坐政德殿上婆羅門後至便於殿

前呪作大池廣長清淨中有千葉蓮華自坐
其上而訶龍樹汝在地坐如畜生無異而欲
與我清淨華上大德智人抗言論議爾時龍
樹亦以呪術化作一六牙白象行池水上趣
其華坐以鼻繳拔高舉擲地婆羅門傷腰委
頓歸命龍樹我不自量毀辱大師願哀受我
啓其愚蒙有一小乘法師常懷忿嫉龍樹問
之言汝樂我久住世不答言實不願也退入
閤室經日不出弟子破戶看之遂蟬蛻而去
去世已來始過百歲南天竺諸國爲其立廟

敬奉如佛其母樹下生之因字阿周陀那阿
周陀那樹名也以龍成其道故以龍配字號

曰龍樹也

依付法藏經卽第十三
祖三百餘年任持佛法

龍樹菩薩傳

卷七

卷七

提婆菩薩傳

姚秦三藏法師鳩摩羅什譯

大師名提婆菩薩南天竺人是婆羅門種也
博識淵覽才辯絕倫擅名天竺爲諸國所推
探賸曾懷旣無所愧以爲所不盡者唯以人

不信用其言爲憂其國中有大天神鑄黃金
像之座身長二丈號曰大自在天人有求願
能令現世如意提婆詣廟求入拜見主廟者
言天像至神人有見者旣不敢正視又令人
退後失守百日汝但詣門求願何須見耶提
婆言若神必能如汝所說乃從令我見之若
不如是豈是吾之所欲見耶時人奇其志氣
伏其明正追入廟者數千萬人提婆旣入天
像搖動其眼怒目視之提婆問天神則神矣
何其小也當以威靈感人智德伏物而假黃